

DISSERTATIO INAUGURALIS MEDICA  
DE  
TVENDA  
VALETVDINE  
RECENS NATORVM

QVAM  
GRATIOSI MEDICORVM ORDINIS IN ACADEMIA IVLIA  
CONSENSV

*PRAESIDE*

D. BRANDANO MEIBOMIO

ARCHIATRO GVELPHICO, MEDICINAE  
PRACTICAE PROFESSORE ORDINARIO FACVLT.  
MEDIC. SENIORE ET H. T.

DECANO

*PRO GRADV DOCTORIS*  
OMNIBVSQVE IVRIBVS ET PRIVILEGIIS

RITE OBTINENDIS

D. XXVIII. DECEMBR. MDCCXXXI.

PVBlico ET SOLENNI ERVDITORVM  
EXAMINI SVBMITTET

TOBIAS GROVE

HALBERSTADIENSIS.

---

HELMSTADII

TYPIS PAVLI DIETERICI SCHNORRII  
ACAD. TYPOGR.



DISSERTATIO INNOVENS MEDICA  
DE

VALERIANAE  
RIZENS NATIVAM

QUAM  
GRATIOSI MEDICORUM ORDINIS IN ACADEMIA PAVIA

P. F. VALERIANAE

D. BRANDANO MERBOMIO

ARCHIATRO GUELPHICO MEDICINAE  
PRACTICAE PROFESSORE ORDINARIO FACULT.  
MEDIC. SENIORS ET H. N. N.  
DECANO

PRO GRADU DOCTORIS  
CUM PRIVILEGIO

IN OMNIBUS FACULTATIBUS  
P. XXVII. DECEMBER MDCCXXVI  
PUBLICATO ET SUB SIGNO RECTORIS  
EXAMINATO

TOBIAS GROVE

HANNOVERIAE

ALMA MATER  
P. F. VALERIANAE  
ACADEMIAE





## PRAEFATIO.



D tuendam hominum valetudinem non sufficere communes sanitatis regulas & generales medendi leges ; sed eas multiplici ratione & imprimis etiam respectu aetatis variare, apud Medicos in confesso est, ipsaque ratio & experientia quam maxime id confirmant. Vti enim

temperies atque textura corporum in annos mutantur & pro diversitate vivendi plurimum variant, ita diversi morbi & affectus hinc originem habent, & cuiuslibet aetati proprios sive magis familiares HIPPOCRATES in aphorismis assignat. Equidem VIRGILIUS lib. 3. Georg. scribit:

*Optima quaeque dies miseris mortalibus aevi*

*Prima fugit : subeunt morbi tristisque senectus,*

*Et labor, & durae rapit inclementia mortis.*



Ast vero si experientiam consulamus, nec prima hominum aetas a morborum miseriis integra vel immunis existit. Et non male *Cous Senex Epist. ad Damag. existimat*, ὅλον τὸν ἀνθρώπον ἐκ γενετῆς νόσον εἶναι, *totum hominem a nativitate morbum esse.* Neque hoc mirum videri potest, cum & tenera primo natorum constitutio facile laedatur, & insignis illa mutatio, quam in lucem editus infans protinus subire cogitur, plurima damna tenello corpori facile inferre possit. Et vero cum hic futurae per totam vitam valetudinis fundamenta jaciantur, & commissa in primis annis delicta dein difficulter aut nunquam tolli vel emendari queant; eo accuratius sanitatem tenellorum conservandam providamque eorum rationem habendam esse, semper existimavi. Quantum igitur temporis spatium concedit, quae ad tuendam valetudinem recens natorum faciunt, hoc inaugurali specimine nunc considerabo. Cui labori ut elementissimum Numen ex alto faveat & benedicat, submisisse precor.

§. II.

Si foetus in lucem editi conditionem, & notabilem illam, quam tenerrimum corpus, dum vitales auras subit, perferre cogitur, mutationem, perpendamus; plurimis eo ipso incommodis morbisque eos exponi, facile cogitari potest. Et summi Conditoris sapientiam ut admiremur, maxime decet, quod plurimi infantes nihilominus sani & vegeti hac lucis usura fruantur. Dum enim eo ipso momento aer pulmones tenellorum ingreditur & sanguini eorum se miscet, novumque motum huic conciliat, imo dum

pere-





peregrinis qualitatibus præditus omnes corporis poros subit, oculos afficit, nares, aures & ventriculum intrat; motus etiam sanguinis, abscisso umbilico aliter se habere incipit, plures tamen infantes ab omnibus symptomatibus immunes vivere & sanos agere, mirabilis corporeae structurae artificium quam maxime prodit.

## §. II.

Interim exclusus ex utero infans non raro debilis vel infirmus deprehenditur, quod probe dispiciendum est, signaque debilitatis & a matre & ab ipso infante desumi solent. HIPPOCRATES *Sect. VI. aph. 52. infirmum foetum* significare, docet: *Si mulieri in utero gerenti multum lactis ex mammis fluxerit, & mammae flaccidae fuerint.* Et idem CELSVS *cap. 7. confirmat: Mulieri gravidæ si lac ex mammis profluat, imbecillum est, quod intus gerit, duræ mammae sanum illud esse, testantur.* Quod & ut plurimum ira se habet, dum debito alimento sic defraudantur infantes. In aliquibus tamen, inprimis in plethoricis feminis contrarium observatur, quæ graviditatis tempore lac satis copiosum profundunt, vegeto manente foetu. Porro si mater tenerioris vel morbidæ constitutionis existat, aut graviditatis tempore morbis laboraverit, foetus imbecilli ut plurimum eduntur. Si motus foetus utero existentis debiliior fuerit, vel ipse morbis in eo laboraverit, vitium quoque ut plurimum trahere & morbidus nasci solet. Si iusto partus tempore non exclusus foetus sed ante maturitatem exturbatus fuerit. Animi etiam affectus & perversæ matris imaginationes non raro in foetus redundare & mor-



bosum ipsis characterem imprimere solent, sicuti tristia exempla abunde testantur. Inprimis vero in difficili partu multum patiuntur & vegeti alias infantes debilitari & infirmi reddi possunt.

### §. III.

Infirmitatis indicia ab infante desumuntur, primo quando justo partus tempore, quod est mensis nonus completus, sive initium mensis decimi aut septimana quadragesima non prodierunt. Equidem qui sexto graviditatis mense aut citius excluduntur, unguibus destituti, minus perfecti, & vitales esse non solent. Qui septimo aut octavo mense nascuntur, vivunt quidem aliquando, imbecilli tamen & morbidi ut plurimum observantur. Considerari tamen hic imprimis debet, an foetus talis immaturus membra omnia perfecta habeat, an minus; & haec perfectionis signa cum reliquis merito conjungenda sunt. Et ita attendendum est ad oculos, an naturalem motum habeant, imo ad partes omnes, an rite & naturaliter sint constitutae an respiratio naturaliter fiat, an multum clament, an vox sit clara & robusta, an vero rauca & debilis, an pulsus naturalis, an debilis, imo nullus percipiatur. Haec enim si a statu naturali multum recesserint, debilem infantem significare solent. Aliquando etiam signis non opus est, & ex utero matris per partum difficilem prodeuntes adeo infirmi sunt, ut vix vitae aliquid indicium appareat.

### §. IV.

Quod si jam ex signis & circumstantiis judicemus, natum infantem praeter naturam debilem sive infirmum.



infirmum esse; prima cura esse debet, ut refocilletur  
sive corroboretur. Possunt spiritus ejus excitari  
vellicationibus, titillationibus, (titillationem praeputii  
in pueris quidam prae aliis laudant) ictu in nates &c.  
Potest infans lotionem seu fotu calido ex vino externe  
fricari, lintea madefacta spirituosis, aqua epileptica  
Langii & similibus vertici, cordi & pectori applican-  
tur. Imo ori aliquid vini calidi vel aquae cinnamomi  
cum digito immitti potest. Ad inflandos pulmones  
eorumque motum excitandum, halitum in os im-  
mittere solent, ubi fortassis non inutile esset, ut ca-  
ryophylli vel cubebae prius mastificentur, & sic ille ef-  
ficacior effadat. Quidam crocum naribus admovent &  
varia spirituosas adspargunt. Vomitus levis median-  
tibus oleosis & digiti in os intrusionem excitatus etiam  
confert. Prae aliis vero auxiliis hic commendatur  
suctio papillae sinistrae, eamque aliis irritis profuisse  
testantur Joh. Lud. HANNEMANNVS & Samuel LE-  
DELIVS. vid. *Miscell. Nat. Cur. decur. II. A. V. obs. 21.*  
& *A. VI. obs. 59.* item *A. VII. obs. 67.* Imo insignem  
hujus experimenti successum a Cl. Dn. PRAESIDE  
ante aliquot annos in nobili quodam puero annota-  
tum esse comperio. Ratio hujus experimenti non  
adeo evidens est; forte autem per suctionem talem  
in tenero corpusculo institutam halitus & vapores in  
pectoris musculis & circa cor & pulmones haerentes  
haecque viscera comprimantes dissipantur & exsugun-  
tur, ut liberum motum peragere possint.

§. V.

Sed videamus nunc ulterius, quid ad tuendam va-  
letur-



letudinem nati infantis faciat. Ante omnia membranae foetum vel ex parte vel totum cingentes removendae sunt & adhaerens funiculus umbilicalis refecandus est. Hic funiculus ex duabus arteriis & una vena, umbilicalibus nominatis & vase quodam sive canali, uracho dicto, in homine rarissime pervio, constat; & insignem foetui usum in utero ad nutrimentum deferendum & in ipso partu praestat, cum ejus ope placenta uterina extrahatur. Nunc vero edito foetu, aut etiam ante, si opus sit, tanquam inutilis a cohaerente amnio membrana & placenta uterina refecandus est. Quod caute fieri debet, & cavendum, ne vel justo longius vel brevius refecetur: illud enim si fiat, hernia umbilicalis aliquando nascitur, brevior autem sectio haemorrhagiam gravem saepe causatur. Ligatura hinc conveniens institui & umbilico vinum calidum aut oleum rosaceum, admiscendo parum pulveris cujusdam adstringentis, applicari potest. Curandum etiam, ne mali huic quid deinde accedat, nec abrumpenda est pars relicta funiculi, sed expectandum, donec illa ob defectum nutrimenti sponte decidat. Quod si vero nihilominus haemorrhagia oriatur, pulveres stegnobici ex bolo arm. sangu. drac. myrrha & similibus locum habent.

## §. VI.

Porro cum cutis recens natorum mucro quodam viscido & quasi crusta obducta sit a liquore Amnii, in quo tam diu haesit, illa crusta detergenda est, ut cutis pori aperiantur, transpiratio insensilis promoveatur, & ita affectus atque incommoda, quae inde originem habere possunt, praecaveantur. Veteres Germani testan-



stante Tacito foetus editos aqua frigida abluebant, vel frigido flumini immergebant, corpora ut eorum indurarent sive robur illis aliquod conciliarent. Sed jam tum Galenus hunc morem improbat ob subitam illam mutationem ex calore in frigus; quoniam in calido admodum loco diu versati fuere infantes, & dein repente frigidae aquae immittuntur, & omnis subita mutatio in corpore nostro periculosa deprehenditur. Quemadmodum exemplis adultorum, qui in aere calido versati mox frigido se exponunt, vel qui motu nimio incaluerunt & frigidum haustum assumunt, quotidie innotescit, in quam graves scilicet morbos exinde saepius incidant. Id quod in teneris infantum corporibus eo magis metuendum est. Calida igitur sive tepida aqua potius abluendum infantem esse censemus. Quidam cum vino abluunt, alii etiam herbas aromaticas, betonicam salviam & similes cum aqua vel vino coquunt & inde balneum parant. Oleis etiam nonnulli utuntur, imo urina infantis. Galenus etiam salis aliquid admiscendum esse voluit, quod tamen cum mordendo laedere infantes possit, fortassis sapo esset substituendus, cum ille partes mucilaginosas & salinas simul contineat. Aquam vero tepidam si sumamus, indito sacco furfuribus tritici repleto, & abluere infantes & fricare satis ad immunditiam tollendam possumus. Iterari vero etiam tale balneum potest primo tempore, singulis vel alternis diebus, ut scilicet fordes eo melius detergantur & frictione illa partes & membra ad motum & functiones naturales obeundas aliquantum excitentur.



§. VII.

Hinc vero etiam obstetrix totum infantis corpus examinare & explorare debet, an omnes partes ejus rite sint conformatae, an singuli ductus sint pervii & patentés, scil. virgæ, anus, narium &c. ut in tempore & convenienti modo aperiri queant; an aliquid præternaturaliter cohaereat vel distortum sit, ut separari vel reponi possit. Attendendum etiam, an in quadam corporis parte, præsertim ubi gravior partus præcessit, sanguis subsistat, sive contusiones aut sugillationes adsint; ubi fœtus vinosi & ex herbis nervinis & discutientibus parati prodesse solent, ut & olea, hypericum myrtinum &c. Quod si forte intertrigo seu quaedam erosio papillarum nervearum ferum plorantium & dolorem excitans, præsertim pone aures, circa collum, sub axillis & circa pudenda adesse observetur, curandum est, ut reliquum corpus præservetur. Linteis igitur mollioribus (non recentibus, ne transpiratio suffluminetur) sudor abstergendus, urina si reddita sit, aqua detergenda & desiccanda est. Et si particulae acriores jam ipsam cutim corroserint, pulveres exsiccantes, ut rosar. rubr. boli, cerussæ parti affectæ inspergere solent. Imo si putredo quaedam adesse videatur, myrrha dictis addi potest & si major affluxus humorum conjunctus sit, camphora & lapis calaminaris. Si malum pertinax fuerit, etiam lenia laxantia profunt.

§. VIII.

Quod si forte intestinum rectum non pateat, immisso in anum leviter digito Obstetrix id sæpe aperire po-



re potest, interdum vero & sectione aliqua opus est, quam Chirurgus caute instituere debet. Nares si obstructi fuerint, saepe oleum amygdalarum dulcium vel aqua majoranae cum pauxillo spiritus salis armoniaci sufficit. Alii vitriolum album in aqua solutum suadent. Observatur vero etiam aliquando, capitis figuram non recte se habere, quoniam hand firmiter cohaerentia ossa in partu, praesertim difficili, a se facile divelluntur, ut figuram naturalem rotundam non amplius habeant; leni tum compressione opus est, ut in formam naturalem caput iterum redigatur. In capite ulterius considerari debet fovea in fonticulo dicto seu spatio illo fere triangulari, quod observatur in concursu suturae coronalis & sagittalis. Haec fovea in statu naturali existit elevata; ast si depressa ac incurvata appareat, pro malo signo habere solent, vel futurae mortis aut status saltem morbidum. Linthea aqua spiritiosa vel vino calente madida, addita gutta uno olei cinnamomi, hic commendant, ut statim applicentur, & naturae laboranti suppetiae ferantur, & talia non infrequenter juvare observantur. Quod si linguae frenulum non rite formatum sit, ut linguae motus impediatur, hoc vitium tollendum est, ubi obstetrices unguibus utuntur, sed vitium aliquando faciunt, ubi nullum adest. Rectius igitur Chirurgus mediante forfice partes inutiles abscindit, ut lingua naturaliter moveri possit & vulnusculum melle roseo aliisve iterum consolidat.

§. IX.

Observari vero etiam merentur naevi materni,  
B 2  
qui



qui infantes recens natos non raro defoedant. Distinguuntur in amorphos & emorphos : illi vocantur quando in facie aut reliquo corpore pars aliqua nigro, fusco vel livido colore praedita notatus, & quoniam a terrore ex incendiis frequenter observati fuerunt, germanice dicuntur die Feuer-Mähler. Emorphi vocantur, quando similitudinem fructuum, ceraforum, mororum, prunorum &c. aut animalium, murium, serpentum & sic porro habent. Qualia exempla passim notantur & in *Misc. Natur. Curiosor.* magno numero recensentur. Variant & inter se naevi, quod modo protuberent, modo plani sint, figuraque & colore inter se admodum discrepantes. Notum est a fortiore matris imaginatione vel impressione, aut terrore ut plurimum hos naevos ortum trahere. Quomodo autem illud fiat, in quibusdam inprimis casibus, difficulter explicari potest, & locum hic habet illud FERNELII lib. 2. de abditis rerum causis

*Multa tegit sacra in volucro natura: neque ullis  
Fas est scire quidem mortalibus omnia; multa  
Admirare modo nec non venerare, neque illa  
Inquire quae sunt arcanis proxima: namque  
In manibus quae sunt, haec nos vix scire putandum:  
Est procul a nobis adeo praesentia veri.*

Videntur vero ab affectibus dictis spiritus animales certum ac determinatum, licet nobis indefinitum, motum, acquirere & eundem foetui in utero contento imprimere, eoque modo tenera & molliuscula ejusdem membra varie signari. Ita observamus, si gravida maximo desiderio hos vel illos fructus comedendi exciretur & voti compos fieri non possit, foetum deinde natum,



tum talium fructuum notas in aliqua corporis parte saepe referre. De gravida quadam testatur MARCVS MARCI, eam a pomi, quod deperibat, esu prohibitam enixam fuisse foetum, ex cujus mala pomum proprio petiolo adhaerens pependit. Singularis maternae emaginationis exemplum mihi retulit *Clar. Dn. PRAESES* quod in vicino oppido contigit. Scilicet gravida quaedam in templo angelum conspexit, cui brachium abruptum erat, eoque tam fortem impressiorem sibi fecit, ut puer dein natus uno brachio caret, ita tamen, quod vix credi potest, ut duo digiti adhuc corpori adhaererent, quos movere puer jam adultior pro lubitu poterat. A terrore vero etiam saepissime perversa talis impressio contingit, quando scilicet mus aut aliud animal inopinato occurrit, aut si quae gravida cum pomo, pruno aut alio fructu feriat, qualia exempla mihi nota sunt, & de mure cuidam gravidæ inopinato occurrente exemplum notabile suppeditat Joh. Lud. HANNEMANNVS *Ephem. cur. Dec. III. A. 2. pag. 204.*

§. X.

Cura naevorum difficilis ut plurimum esse solet & interdum impossibilis. Multos tamen curatos recenset HILDANVS *cent. V. obs. 46.* Pro specifico remedio obstetricibus imo Practicis quibusdam habetur secundina a parturiente extracta & calens adhuc naevis affricata. vid. G. W. WIEDELIVM in *physiologia reformata.* Noxium vero hoc remedium extitisse, legimus in *Ephem. Germ. A. IX. & X. Dec. 3.* Menstrua virginis intactae. HARTMANNVS commendat.



HELMONTIVS laudat partis affectae frictionem cum manu mortui chronico morbo defuncti, donec illa incalascet. Sanguinem leporinum calentem illitum alii commendant, imo sanguinem lochiorum vel menstruum matris; frequentem item cum urina lotionem. Quidam laudant radices & folia herbarum recentium, cyclaminis, sigilli salomon. nymph. &c. vel succos inde expressos. Alii corrosivis tollere naevos conantur, caute tamen id fieri debet, & nonnunquam cicatrix sequitur gravior ipso malo. Sectione etiam naevos protuberantes tollunt, dum tumorem filo constringunt, & dein abscindunt, cavendo, ne arteria vel nervus laedatur & dein vulnus more consueto sanant. Caute vero etiam hic agendum & praestat quosdam naevos naturae relinquere, quam periculo infantes exponere.

### §. XI.

Notari etiam in infantibus debent conformationis vitia; & consideranda sunt ossa totius corporis, an omnia quoad situm, figuram & connexionem rite & naturaliter se habeant. Hic vero non raro observatur gibbus sive incurvatio quaedam spinae dorsi, qualis in difficili partu vel etiam culpa obstetricis facile contingere potest. Curandum tum quantocius, ut in tenellis vitia haec corrigantur. Ipsa spina dorsi roborari debet fotu calido ex vino & herbis nervinis, aromaticis & unguentis penetrantibus inungi. Interne etiam resolventia adhibere solent. Quod si protuberantia exterius percipiatur, deprimitur spleniis impositis leniter versus interiora, si vero ad latera observetur, blanda pressio versus latus oppositum locum habet.



bet. Ipsi parti affectae lamina aenea imponi solet. Et ita in infantibus non adeo difficulter ejusmodi gibbus sive incurvatio praeternaturalis saepe curari potest, cum in adultioribus dein irrita frequenter sit medela. Videndum vero etiam, an forte alia ossa extra naturalem situm inveniantur, ut blanda restitutio fieri queat. Quodsi in numero vitium occurrat, pes ex. gr. vel brachium desit, tum medelae locus non est, & docet experientia, tales infantes ut plurimum non diu vivere. Si pars aliqua superet, ut sextus digitus vel in pede vel in manu, aut si majores excrescentiae adsint, probe considerandum est, an sectione tolli possint, ne curando magis laedamus.

## §. XII.

Observandum vero etiam est, ut infans fasciis & linteis probe obvolvatur, ne scilicet tenera membra vitium aliquod capiant, & calor ad promovendam transpirationem conservetur. Moderate igitur calida illa esse debent, & non nimis stricta, ne incurvationes pedum aut artuum nascantur, & in primis circa pectus & ventriculum, ne respiratio impediatur, vel vomitus sucti lactis sequatur; nec etiam laxa nimis, ne tenera infantis membra distorqueantur. Brachia & crura obvolvi debent linteis substratis directe posita, quae denuo obvolvenda, ut in illo situ contineantur; brachia videlicet juxta corporis truncum, femora autem sibi proxima particula lintea interposita, ne a contactu & contritu mutuo incalescant. Caput etiam firmandum est, imposito linteo, quod capitellum vocant, ne hinc inde inclinaret, quod linteis obvolvendis



tibus mediante acicula annectere solent; ipsi fontanellae admoto linteo molli quadruplicato, ut a frigore aliisque injuriis tenerrima haec corporis pars conservetur. Et conveniens talis fasciatio multum facit ad conciliandam justam & decoram figuram. Quandoquidem vero involuti ita infantes excrementa deponendo se conspurcant, fasciae illae aliquoties de die solvendae & sordida lintea cum mundis permittendae sunt. Mutatio autem illa facienda est prope fornacem aut in aere valde temperato, cum linteis calefactis & siccis, ne frigus vel humiditas transpirationem impediat, catarrhos aut alia gravia mala tenellis corporibus inducat. Quo autem melius transpiratio in infantibus succedit, eo saniores illos esse, testatur HIPPOCRATES *lib. de alimentis*. Hinc in cunas reponi potest infans, jaceatque in dorso, positus enim in latera gibbositatem inducere potest, caput tamen sit paullo elatius, substrato pulvinari. In lecto enim matris vel nutricis eum dormire, antequam paullo robustior existat, tutum non est. Cubiculum, in quo infans commoratur, quantum fieri potest, temperatum esse debet, nec calidum nimis nec frigidum, ut ab omni aeris injuria praeservetur. Neque sit nimis luminosum, sed obscurius paullo, ne luminis fortiore accessu teneri oculi offendantur. Et talis situs infantis in cunis esse debet, ut e directo opposita sit candela vel lumen cubiculum intrans, vel directo semper excipiat lumen, non oblique aut retro, ne dum ad lucem oculos convertit, strabositatem incurrat, musculis versus illam partem motis. Solent igitur velum sive arcum quendam linteis obductum super caput



caput formare, ut ita & nimium lumen arceatur, & in alia parte quam necesse est, infans lumen non possit excipere. Lactetur etiam utraque mamma, ne si unam semper adspiciat, oculi vitium accipiant. Neque ex obscuro derепente in luminosum locum saepius transferantur infantes, cum & subita illa mutatio teneris oculis nocere queat.

§. XIII.

Sed nunc & de meconio aliquid dicendum est, quod ut ex corpore infantili expurgeretur, prima cura esse debet. Est vero hoc excrementum durum & tenax, nigricans sive ex nigro viridescens, in ventriculo & intestinis foetus, dum in utero vixit, collectum. Germani vocant *Heydendreck* / quoniam in nondum baptizatis reperitur. Et vero admirationem miretur, quod cum per plures menses foetus vivere in utero cum excrementis illis potuerit; exclusus deinde non possit amplius cum illis vivere, & si non brevi temporis spatio excernantur, gravi periculo exponatur. Videtur vero in causa esse uberior respiratio & aer in totum corpus immissus, & hinc omnium humorum major motus & circulatio, unde talia excrementa in corpore sine noxa persistere non possunt. Et vero si alvus intra 24. horas non excernatur, in magno periculo versari infantes, experientia docet. Nec vero aliqua tantum pars meconii, sed totum excerni intra paucos dies debet; ita ut ille color nigricans in excrementis non amplius observetur, vel saltem dilutior evadat. Hoc igitur meconium ut ex corpore infantili expurgeretur, opera danda est. Sunt, qui existimant, ipsam naturam in mammis mulierum praeparasse

rasse aliquod medicamentum sufficiens ad expurgandum meconium ; primum scilicet lac, quod colostrum dicunt. Et SPIGELIVS vocat illud alimentum medicamentosum, quod natura eum in finem generaverit, ut modice nutriendo, leviter pro infantis imbecillitate purget per aliquot dies. Alii vero inutile & minus perfectum hoc esse statuunt & emulgeri jubent. Est vero lac hoc serosius & tenuius, quoniam spissior & pinguior ejus pars tubulos lactiferos angustiores intrare non potest, ac deinde, ubi illi sensim ampliantur & patentiores fiunt. Nulla igitur ratio apparet, quare serosiores hanc lactis partem rejiciamus, cum vim aliquam purgandi habeat ad purgandum meconium utilem, & tenerum infantem illo tempore satis nutrire possit. Et vero lac jam plene perfectum si infantibus statim uberius exhibeatur, non ita illis conducere, observamus ; & infantes, imo animalia cum tali alimento primitus assumpto feliciter adolescunt. Quod si vero mater lac non habeat, vel primis diebus non accipiat, aut colostrum non sufficere observemus, aliis remediis opus est, quibus meconium tanquam inutile & noxium excrementum expellamus. Id quod & laxantibus mitioribus fieri debet & vomitoriis lenibus ; ut humores per diuturnam in utero moram viscidiores facti ex ventriculo educantur, ne noceant & morbos excitent. Apud plebem mel cum butyro non salito exhiberi observamus, felici ut plurimum successu. Communiter oleum amygd. dulc. recenter expressum & cum sacharo penidio mixtum exhibent; nec inutile hoc medicamentum est, cum & humorum acrimoniam mitiget. Et si mediante penna eo intin-



intincta ventriculus ad vomendum possit concitari, etiam hoc nomine laudari potest, cum & hic, uti dictum est, infantibus proficius esse deprehendatur. Sed saepe hoc oleum non sufficit ad expurgandam meconium praesertim, dum infanti parva quantitate, ad unum vel alterum cochlear exhibetur, & potentiora requiruntur. Conducunt igitur hic lenia laxantia, quae viscidam & tenacem illam materiam melius expellunt, uti sunt syru-  
rupi purgantes, rosar. solutivus, cichor. c. rhabar. flor. persicor. Manna etiam in jusculis commode exhibetur, imo grana aliquot cremoris tartari illis indi possunt ad magis extergendum mucum. Et haec medicamenta ad expurgandum meconium pro necessitate etiam iterari possunt.

#### §. XIV.

Sed videamus nunc de nutritione infantum, quae ad vitam sustentandam requiritur. Vbi quidem primis 24. horis illos esurire faciunt; ne scilicet purgato nondum corpore lac ingestum coaguletur & corrumpatur, hinc tormina imo epilepsia excitentur. Potest tamen illis interea aliquid mellis, vel sachari cum oleo amygd. dulc. exhiberi, quod vias lubricat. & acrimoniam humorum corrigit. Hinc vero colostrum, si ipsa mater infantem lactare velit, tanquam optimum & sufficiens primis diebus alimentum concedi potest. Et inconsulto faciunt, qui nutricibus robustis, obesis infantes primo tempore statim uberius alendum tradunt. Gravatur enim exinde tenellus ventriculus, digestionis opus retardatur, cruditates nascuntur, lac ipsum coagulatur; saltem parcius & minori dosi

lac tale exhibendum est. Post assumptum vero colostrum lac matris sive nutricis conveniens nutrimentum est, utpote cui jam in utero asluevit, succo scilicet chyloso, quo nutritus fuit, parum ab hoc differente. Et vero hoc pabulum ab ipsa natura teneris praeparatur, nec tam ornatus gratia mammae mulieribus sunt concessae, quam ut dulcis chylosus succus in iis praeparetur, quo foetum alere possint. Fuere tamen, qui aliud alimentum loco materni lactis substituere voluerunt, ideo quod illud saepe vitiosum sit in matre vel nutrice morbida, ipsum etiam dein saepius corrumpatur per diaetam, animi affectus, aliove modo. Helmontius commendat pultem ex pane fecalino, cerevisia tenui, vitello ovi & melle. Alii laudant jacula hordeata vel avenacea, vel ex crepatura hordei, addito vitello ovi, vel emulsionem amygdalinas. His tamen non obstantibus lac constitutioni infantum amicissimum esse censemus, utpote quo & animalia & homines feliciter primo tempore utuntur & adolescunt; & contra naturae institutum agere videntur, qui aliud nutrimentum substituant. Est vero aliquando necessitas, apud pauperes scilicet, quando lac non habent & nutrices alere non possunt, ut aliud alimentum praebeant. Sed retulit mihi Cl. Dn. PRAESES se aliquot homines novisse, quibus in teneris annis lac denegatum fuit, qui morbidum dein per totum vitae tempus vixerunt. Praeterea maternum lac alieno praefendum esse judicamus, cum illud ex eodem sanguine generatum sit, ex quo succus alibilis, quem in utero foetus hausit. Sed multae foeminae caedia lactationis subire renuunt; aliae tenerio-



neriores & debiles sunt, ut alendo infanti vix sufficere videantur; aliae morbis quibusdam laborant, ita ut lac illarum infantibus non conferre judicetur, cum exempla non pauca adsint, transmissi hujus vel illius morbi mediante matris vel nutricis lacte. Et retulit mihi Cl. Dn. PRAESES exemplum matronae morbis obnoxiae & plurium liberorum matris, quorum aliqui, quos ipsa lactavit, morbofi sunt, reliquis sanis & vegetis. Tali igitur rerum statu potius nutrici traditur infans: sed videndum est, ut nutrix, quae eligitur, sit sanae constitutionis, ne factae mutationis poenitere queat.

§. X V.

Bene igitur considerandum est, an nutrix eligenda sit sana, an vero morbida & affectibus quibusdam obnoxia, qui in infantem trasmitti possunt. Ita inprimis inquirendum, an lue venerca illa sit affecta, utpote quam per lac frequenter propagatam fuisse, tristia exempla satis docent. Produunt hunc morbum saepe oculi & facies; perlustrentur vero etiam mammae, & si in his minutissima puncta se visui offerant veluti unguibus sculpta, iusetae esse solent. Pedes etiam & collum inspicere possunt, & ulcuscula ac cicatrices saepe turpem hunc morbum adesse indicant. Indagandum praeterea, an aliorum morborum notae appareant, an scilicet nutrix sit phthisica, scorbutica &c. quales teneris infantibus non conveniunt. Sit potius nutrix bonae constitutionis & habitus, coloris vividi. Ipsae etiam mammae cum papillis considerari possunt; mammae mediocres laudantur, durae non flaccidae, quaeque lac statim reddunt. Papillae aliquando nimis te-



nues sunt, ita ut infans eas non facile ore firmiter comprehendere possit; aliquando nimis longae & crassae, minus etiam ad suctionem commodae. Inprimis vero lac nutricis considerari debet, an sit bonae notae.

### §. XVI.

Examinatur vero lac quoad colorem, saporem, odorem atque consistentiam; & probatur lac, si color sit albidus non viridis non flavus. Sapor non sit amarus, acidus vel acris aut salus, sed dulcis. Odor non sit ingratus vel foetidus. Aliquando pingue nimis etiam lac est, & probatur magis aliquanto serosius. Consistentiam vero examinare solent, ungui superfundendo; si subsistat & non statim defluat, bonam consistentiam habere judicant. Quod si vero in matre vel in nutrice vitiosum vel praeternaturale lac adesse observetur, ut illud, quantum possibile, corrigamus, opera danda est. Hoc vero ut fiat, tota constitutio & temperies ut & morbosae dispositiones lactantis sunt considerandae, utpote a quibus vitia lactis dependere solent. Ita si scorbuticus sanguis adsit, locum habent talem sanguinem corrigentia, quae alibi traduntur. Si macilenta sit mulier & ad phthisin disposita, sanguinem acriorem emendantia, aliaque contra hunc morbum proficua conveniunt &c. Potest etiam institui venaelectio, si plethoricum sit corpus, imo purgationes & vomitoria exhiberi, si crudis & vitiosis humoribus ventriculus scateat. Digestio etiam convenientibus remediis promoveri debet. In genere nutricibus commendatur anisi & foeniculi usus, si semina eorum post pastum assumantur, imo herba etiam & radix foeniculi. Vim habet-



habere creduntur lac augendi idque emendandi & grumescentiam ejus impediendi ob aromaticam virtutem. Si graviores animi commotiones ira, terror, praecesserint, corruptio lactis inprimis metuitur, & solet effectus in teneros infantes mox redundare & ipsae mammae nutricis duritiem a stagnante lacte non raro concipiunt. Emulgenda tum foemina est, nec intra aliquot horas infantem uberibus admoveat; hinc danda sunt sudorifera, ut sanguis & lac stagnans discutatur, mammis applicato emplastro de spermate ceti Myns. sacculis calidis discutientibus superimpositis; sperma ceti propinatum etiam laudatur. Cæterum diæta conveniens multum ad lactis emendationem facit, eaque ratione vitii, quod in lacte deprehenditur, institui debet, sive sit tenue & aquosum nimis, sive crassius vel acrius. In genere caveat nutrix a cibis salitis, acidis, acribus. Vitentur etiam flatulenta, fumo indurata, & quae sunt difficilioris concoctionis. Vbi tamen monendum, nutrices plebejas, non adeo delicate esse tractandas, cum illae duriori victui sint assuetæ & cum illo optime se habere soleant. Et si lautior illis praebeatur victus, voraces & nimis pingues fiunt & ipse sanguis earum impurus reddi solet, quod infantibus valde noxium observatur, testante FERNELIO *in pathol. lib. 25*. Fugiat etiam nutrix frigus, pectus & mammæ vestibus probe muniat, nec in pavimento praesertim frigidopedibus nudis incedat, nec aquae frigidae eos immittat. Excreta & retenta, uti dicuntur, bene se habeant, alvus non sit obstructa, menses in iis suppressi esse debent, & si fluant, nisi plethoricae sint foeminae, foerum debilitare solent, & si fieri potest, talis nutrix removenda est, uter & si durante lactatione conceperit &c.



§. XVII.

Vti vero qualitas vitiosa, ita etiam quantitas exhibiti lactis considerari debet & frequenter in eo peccatur, ut junioribus infantibus a robustis & copia lactis abundantibus foeminis nimium ingeratur, unde varia incommoda morbique in infantem derivantur, & saepius id fieret, nisi vomitu saepe rejicerent nimium lac propinatum. Parcius igitur recens natis lac est exhibendum & praestat hic peccare in defectu, quam in excessu; quoniam a nimia copia maxime gravatur tener ventriculus, cruditates nascuntur, tormina & alia incommoda accidunt. Praeter lac vero etiam infantibus pulmenta statim primis mensibus imo diebus exhibere solent, ut scilicet eo magis nutriantur. Et quidem plebejæ mulieres ex farina & lacte illa conficiunt, qualia tamen stomachum tenellorum gravant, & crudos succos progenerant. Rectius igitur ex Ethmulleri sententia ex pane similaginio exsiccato & trito cum lacte conficiuntur, addito semine anisi pulverisato. Haec enim in ventriculo facilius digeri possunt & flatu ac tormina minus excitant. Vix autem opus est, ut recens natis pulmenta talia exhibeatur, cum lac maternum satis superque sufficiat ad eos alendos, imo primis mensibus illis carere commode posse, existimamus, saltem si lac sufficiens matribus adsit. Sed haec nunc de tuenda valetudine recens natorum sufficiant. Deo vero pro concessis viribus sit laus honor & gloria in aeternum.

FINIS.